

ac suo intentus officio, ad illarum salutationes, & verba non admodum attendisse. Quum horum aliquid, vel simile quidpiam ea in re facile obvenire poterit, nulla nos adigit ratio gravis, ac necessaria, ut Josephum illi colloquio presentem constituamus.

VI. Demus jam, ipsum Deiparæ, atque Elisabethæ verbis interfuisse, audisseque omnia, quæ illa tum invicem contulerunt; at non iccirco & illud continuo dabimus, ipsum, nempe, magnum illud secretum Elisabethæ vocibus, remque totam plane condidisse. Neque enim perinde est adesse loquentibus, atque auribus illorum verba percipere, ac verborum hujusmodi statim veram, germanamque sententiam adsequi. Exemplum assero, ut mihi quidem videtur, luculentissimum, ex D. Luca Evangelio, ubi Christum Dominum sic aliquando Discipulos allocutum legimus: *Ecce ascendimus Hierosolymam, & consumabuntur omnia, quæ scripta sunt per Prophetas de Filio hominis. Tradetur enim Gentibus, & illudetur, & flagellabitur, & conspuetur: Et postquam flagellaverint, occident eum, & tertia die resurget [a].* Profecto dici hæc planius, atque explicatius non potuerit. Verumtamen Sacer Scriptor mox subdit: *Et ipsi nihil horum intellexerunt, & erat verbum istud absconditum ab eis, & non intelligebant, quæ dicebantur.* Nimirum, facile nobis est quum harum, tum aliarum id genus sacrarum locutionum significationem advertere, utpote qui in iis perpetuo versati, ac vel a pueris eruditi sumus. At Antiquis illis obscura valde, ac mysteria prorsus hæc erant, vulgo nihil, aut parum cognita, modo paucos excipias, quos Deus clariori lumine dignabatur. Haud itaque mirum, si hæc, aut alia hujusmodi, quæ nobis jam plana, atque explorata sunt, ab illis minime intelligebantur; si, inquam, Joseph non admodum tenuit, quid verbis illis sibi velle Elisabeth: *Benedictus tu inter mulieres, & benedictus fructus ventris tui &c.* Namque, & possunt hæc ab eo, qui divinæ illustrationis est expertus, intelligi humano more, & problem quoque non vulgarem significare, non illam quidem jam fatam, atque conceptam, sed postmodum concipiendam, præcipue ob illa verba, *Perficietur in te &c.* Quamobrem si eo tempore Joseph (id, quod Auctori non displicet [b], insinuanteque revera Hieronymus, atque Augustinus) in consueta Maritorum voluntate perstabat, potuit ipsi, Elisabethæ verbis, nonnulla spes injici de magna alicui, ac spectatissima prole, ex ipso, scilicet, ejusque Conjuge proditura. Illud saltem nemo abnuet, Elisabetham suis illis verbis nihil explicare, atque aperte dixisse de Filio Dei in Virginis utero jam homine facto. Quamobrem Joseph de re hujusmodi tunc minime cogitans, haud facile ex illis Mysterium hoc addiscere potuit, Divinamque Sponsæ graviditatem intelligere.

VII. At inquires, saltem ex prodigiis in Zachariæ domo patris, quæque Joseph suis ipse oculis usurpasset, in Mysterii notitiam pervenisset. Nimirum, hic, quum, nempe e re sua est, profudit Auctor miracula, atque prodigia, tametsi nihil horum Lucas meminit, vel Sacrorum Scriptorum alius. Postquam enim D. Lucas celebratum Mariæ Canticum retulit, mox subdidit: *Mansit autem Maria cum illa quasi mensibus tribus, & reversa est in Domum suam [c]:* nihil de prodigiis loquens, nihil de miraculis memoriæ commendans. Parum itaque sibi Auctor constat, hæc sine Sacris Litteris obtendendo; quum & alibi sæpe, & hac etiam in re, Scripturæ silentium in

magis argumentis habere soleat [d]. Nec tamen abnuerim, patrata tum illic non pauca fuisse prodigia; sed profecto quum ignoraverit Joseph miraculorum maximum, quamvis in sua paratam Domo; haud valde mirum, si & illa quoque nescierit, quæ aliis in ædibus contigerunt. Nempe inter Mariam, & Elisabeth hæc acta esse verosimillimum est, cateque ab iisdem abscondita, atque servata, & quidem adeo, ut de illis recte nos quidem ratiocinari possimus, sed omnino absque testibus.

VIII. Quod porro liqueat, ut Auctor ait, ex Evangelio Matthæi 1. Josephum Maria ex peregrinatione subinde reducere, divina illius secunditatis mysterium ignorasse, ac de illa finitimum quidpiam fuisse suspicatum &c. Id equidem neque a Matthæo, neque a Luca, nec ab alio quovis Sacro Scriptore commemoratum invenio. Ubi enim, & quando in eam Joseph suspicionem venerit, Sacra Litteræ non declarant. Et communis quidem sententia, cui minime repugnaverim, id Nazarethi evenisse docet, quum illic Virgo e peregrinatione rediit. Ad id ex Matthæi Evangelio liqueat, uti Auctor affirmat, minime verum est. Quamobrem communi quidem confessioni (cui ipse sæpe non multum desert) nequaquam vero Sacris Litteris ii adversarentur, qui in Zachariæ domo hæc evenisse conjicerent; & quidem Josepho suspicionem illam injectam esse ex verbis Elisabeth, quibus Mariam foras gravidam, sed quomodo, & a quo, intelligere haud potuit: *Inventa est in utero habens de Spiritu Sancto; sed ubi, quando, quibusque argumentis id Joseph invenit, recitet Evangelium.*

IX. Expendamus jam, qui commode, atque decenter hæc Deiparæ peregrinationem Auctor instituat: *Non, inquit, Joseph comite fecit iter; sed vel sola fecit.* Ita ne sola? nec vereris in iter quadridui unam Virgunculam, Juvenulamque conjicere, hisce incommodis infuetam, viarum nesciam, periculis inexpectatam, solam, incomitam, derelictam? Et longam certe, ac periculosam peregrinationem illam fuisse, vel ipse Auctor non diffitetur [e]. Qui igitur consentaneæ ad eam absque comite instituendam, puellam adigit, adhuc prodire domo nesciam, nisi quum ad Ecclesiam conveniret: *& hoc ipsum cum Parentibus, vel Consanguineis [f]?* ut observat Ambrosius. Et subdit ipse quidem: *Vel quod postulare videbatur honestas, & pudor, sumpta sibi sociâ prudenti, gravique Matrâ. Mox tamen addit: Quod utrumque tamen incertum est.* Sed profecto quicumque rem vel tantisper considerabit, Deiparæ probe comitam illud iter ingressam esse, in compertis habebit. Jam vero si, ut honestati, ut par est, ac pudori consulatur, ei comes aliquis est designandus, ab re prorsus, ac perperam misso Viro eius Joseph, Matrâ, nescio quæ, gravis, & prudens in medium vocatur. Nam quis demum puellæ modo nuptæ, honestior comes, atque decentior, quam ipsemet ejus Conjux? Ut mittam, nullam foras prudentem Matrâ, longum iter, & in quo etiam noctes agendæ erant, nullo suæ cognationis Viro comite, ingressuram fuisse.

X. Postremo quum explorata, absolutaque Traditio sit, id quod ipse etiam Auctor confirmat [g], diem Christi Natalem, ipsum esse quintum, ac viceimum Decembris diem; profecto si minus certa, valde tamen probabilis est opinio, univrsim pæne recepta, quæque nec ipsi omnino displicet, nimirum, Conceptionem ejus incidisse in diem

diem Martii viceimum quintam. Consentaneum quippe est, ut non quod interdum accidit, sed quod veluti ad naturæ regulas generatim evenit, non minus novem mensibus, nec longiori tempore, Christus in Virginis utero gestatus sit. Hinc porro statim fit verosimile id, quod refert Chronicon Alexandrinum, nempe, Deiparam prius Hierosolymis Pascha celebrasse, deinde eodem itinere ad Elisabetham ivisse. Illud enim Pascha eo circiter tempore contigit. Quumque non sit cur negemus, Josephum ad Sacra illa Sollenia profectum esse, nonne & illud consecratum est, ipsum eo in itinere B. Virginem comitatum fuisse? præsertim quum scribat Ambrosius: *Quid, quod annis quoque omnibus ibat in Jerusalem Solleni die Paschæ, & ibat cum Joseph [a]?* Parum quippe probabile fit, Josephum per eos dies Hierosolymam profecturum, Sponsam suam in comitatum præmississe, ipso illud idem iter paulo post ingressuro.

XI. Si brevis hæc disputatio non prorsus est improbabilis, nec argumentis innititur penitus contemnendis, facillimum quoque erit ab Auctoris acerbitate Pictores defendere, quos quum alibi, tum hic vel maxime contumelias afficit. Ait enim sic: *Quare castiganda omnino venit Pictorum audacia, qui, ubi officiosum illud Mariæ Virginis ad Cognatam Elisabetham aditum adumbrant penicillo, ambasque Matres inter se consulantes representant: binos hinc quoque seniculos, Josephum, & Zachariam, mutue salutationis officium invicem peragentes effingunt. Bina utique soliditate. Namque Joseph, ut probavimus, procul aberat; Zachariæ vero surdus æque, ac mutus erat, peragende consulationi parum idoneus. At enim quum ipse non usque adeo clare, dilucideque probaverit, procul tunc abfuisse Josephum, ut sit plane stolidum aliter opinari, poterit, quod ad hoc attinet, ab ea nota Pictores absolvere. Sane D. Bonaventura sententiam, quam propugnamus, probabilem arbitratur: ait quippe: *Vel etiam cum ipso Sponso [b].* Idipsum cenet Dionysius Carthusianus, alios quoque laudans hujus opinionis adprobatores, verbis illis: *Præterea aliquid adferunt, quod**

Joseph profectus est cum Mariæ ad vistrandam Elisabethæ, tanquam obsequiosus, ac diligens commissus sibi Virginis custos [c]. Nec dissimiliter Janfenius Gandavenfis, *Existimant, inquit, etiam ad hanc Civitatem Mariam non sine Josepho, jam factio Conjuge ejus, accessisse; quod eo potest videri verosimilius, quod hæc Mariæ profectio circa tempus Sollenitatis Paschalis facta sit, ad quam omnes Viri ascendere præcipiebantur [d].* Et quidem ea verba B. Luca, *Exsurgens autem Mariæ in diebus illis, abiit in Montana &c.* Idonei Scripturarum Interpretes Maldonatus, Janfenius Iprensis, Natalis Alexandri, non ita volunt accipi, ac si eodem die Virgo illud iter ingressa sit, sed ut illud post dies paucos instituerit. Quamobrem si illius anni Pascha contigit ineunte Aprili, vel eo circiter tempore; probabile valde fit, Josephum eo in itinere Deiparam comitatum esse, & quod consequens est, haud stolidos esse Pictores, qui id in suis tabulis exprimunt.

XII. Quod porro Zachariæ peragende consulationi parum fuerit idoneus, propterea quod surdus æque erat, ac mutus; fortasse id genus impedimenti nonnullis haud ita magnum videbitur, ut ab illis consulationibus omnino Zachariam debuerit excludere. Neque enim & cæcus etiam, & claudus erat, ut Joseph ad breve spatium prodire obviam non poterit, illumque complecti, atque si minus voce, hilaritamen vultu, aliisque commodis gestibus, lætitiarum de ejus adventu conceptam pæcho aliquo contestari. Quid hic tandem incredibile, quid absurdum fingitur, quo stomachari Auctor possit, & quidem adeo, ut eos, qui isthæc opinantur, ac exprimunt, illico stoliditatis accuset? Quin ipse potius commonendus est, ut tandem aliquando diffeat moderatus sibi placere, ac missis conviciis, ipsam rem agere: quippe ii revera stolide contentiosi & habentur, & sunt, qui quum se solos homines autument [e],

... Nil omnino rectum, nisi quod placuit sibi, ducunt [f].

F I N I S.

[a] Cap. 18. [b] Exercit. 25. n. 2. [c] Luca 1. [d] Exercit. 24. n. 6. [e] Exercit. 25. n. 6. [f] Lib. 2. de Virginit. [g] Lib. 31. n. 3.

[a] Lib. 2. de Virginit. [b] In Luca 1. [c] In Matth. art. 3. [d] Concord. cap. 4. [e] Job. 12. [f] Horat. 1. 2. Epistul.